





錢氏經驗良方卷三

南京太醫院吏目孟繼孔著

錢塘胡文煥秣陵陳邦泰校

一初生訣

小兒生下一月餘有病如何為
 分別男左女右虎口看若還紫
 紋胎驚熱青色受胎氣不全亦
 有驚多積蓄制青色必因數日
 前皆因蹠跌致驚顛孩兒一歲
 至三歲虎口脉內看兩邊若還
 一關長一米定是驚風傳候起
 半寸病因是驚傳先須用藥鎮
 心裡若過第一第二三關並口驚
 積一般說似出不出隱隱紋此



乃驚傳脾藏絕若還紫色難醫
療青色其驚入脾竅此病如作
慢驚風好手醫人急須療或紅
顏色便心寬用藥之時立見安
脈過三關連指面孩兒死候立
須見不拘顏色赤白紅十死一
生休怨嘆二三歲時看虎口更
用中指按高骨浮即生風數節
驚緊是顛癇風作熱沉細腹痛
緩沉虛瀉痢皆因此脈初微遲
有積兼蟲盛遲濇元來胃腕虛
四歲脈不在一指端一指高骨
按虛實五六交轉尋三部平正
關上為準則七八稍多指稍許

九十次第八位取十一十二也
全看十四十五三指數小兒有
病脈不多先定浮沉遲數沉遲
為陰浮數為陽更看面部屬何
方青色驚風白虛瀉赤色痰熱
黑難當黃是脾家因有積醫人
審度用良方

小兒脈緊風癇候沉緩食傷多
吐嘔弦緊因知氣不和緩急虛
驚神不守冷則沉細風則浮牢
實大便因秘久腹痛之候緊而
弦此是胃寒宜療救變蒸之時
脈亦變不治自然無過謬單細
痔勞洪有蟲大小不均為惡候

脉遲而脣有寒熱此是胃寒分
別嘔瀉痢浮弦不可醫仔細思
量宜審究

小兒脉浮多風熱沉細原因乳
食結弦長多是肝膈風緊數驚
風四肢掣洪浮胃口似火燒沉
緊胃中痛不歇虛滯有驚又兼
驚脉乳大小便中血四至洪來
苦煩滿沉細腹中痛切切滑主
露濕冷所傷弦緊容忤分明說
五指拱頭冷驚來不可當若逢
中指熱必定是傷寒中指獨自
冷痘疹症相傳男左女右分脉
紋仔細看

三看指虎口脉色法

紫熱紅傷風青驚白色痔黑色
因中毒黃色因脾端

三身冷熱驗症歌

鼻冷知痘疹耳冷緣傷風熱症
渾身熱乍熱是傷脾
額門高起脉來洪大而有力渾
身壯熱日夜不寧者是傷風寒
宜用發表之劑

額門高起脉來緊大而軟身體
不熱唇紅口乾乃是內熱或有
驚悸宜抱龍丸治之
不涼不熱肚腹膨脹大小便不
通者下之如夫大小便照常保

和丸主之

口乾發渴大便泄瀉小便赤短者胃寒丸主之

顛門陷下肚腹膨脹不思乳食乃是傷寒宜用香砂保安丸治之

四傷風

惡風發熱頭應痛兩頰微紅

鼻涕多汗出遍身兼咳嗽

此是傷風症易和

五傷寒

傷寒之候有多般一脈推詳

便覺難面白俱紅時噴嚏

氣粗身熱是傷寒

六夾食

鼻涕頭痛時吐逆面黃紅白

帶不一此因夾食又傷寒

發表有功方下積

七夾驚

身微有熱生煩躁睡不安兮

神不清此是夾驚感寒症

亦須先表次寧心

傷風之症鼻流清涕身常有汗

咳嗽不寧兩頰微紅宜用前胡

半夏丸治之

傷寒之症遍身大熱氣粗喘急

宜用羌活膏表之

夾食者目胞微浮吐逆臆氣吞

酸身熱頭痛鼻塞心煩發渴腹
痛而膨宜用羌活膏次用香砂
保安丸香橘之類治之
夾驚者或被驚發熱又感寒邪
或先感寒邪而後受驚兩熱相
乘故神思昏沉渴而煩躁咬牙
呵欠相直手動面有青紫色宜
用羌活膏次抱龍丸金箔鎮心
丸之類選而用之

八 痰

咳嗽雖然分涼熱 連聲因
肺感風寒 眠浮痰盛喉中
響戲水多因汗未乾
傷風咳嗽者前已有治矣若微

熱而咳者抱龍丸以去痰瀉白
散以平肺若痰涎壅盛白圭餅
子下之或滾痰丸亦可其內熱
發渴咳嗽不已喘喉中痰響者
治之天竺黃丸

九 積

頭痛身熱肚膨脹 足冷神
昏只愛眠 因食所傷脾氣
弱 不宜遲緩健脾丸
積聚之症不同其發有常處其
痛不離其部或胸前脇下或左
或右有物堅硬按之碍手者為
積其發無根本上下有印止其
痛無常處者為聚皆面髮焦黃

昏困多睡兩目黃赤面自虛腫
乳食漸減身體肌瘦宜玉疝消
積丸揆積丸香砂保安丸之類

(十) 痢

小兒下痢細尋推 不獨成
于積所為 冷熱數般雖各
異寬腸調胃在明醫

痢症皆於冷熱不調飲食積滯
不能運化而成大要分陰陽行
滯氣消積消熱補脾開胃進食
為主蓋陰陽一分腸胃自厚故
香連胃苓膏先服之其元氣未
虛裏急後重欲出而不出者以
大承氣湯木香枳榔丸妙應丸

下之純白者胃苓湯加黃連芍
藥枳殼砂仁治之純紅者胃苓
湯加當歸芍藥生地黃黃連黃
芩滑石山查枳殼等治之要以
涼血活血為主此後略加地榆
借意而止之為妙

(十一) 吐

脾虛胃弱病根源 水穀如
何運化行 清濁相干成吐
瀉父傳虛渴便風生

小兒吐症皆脾胃虛怯或過傷
冷熱所致是胃氣不和則逆而
上行故作嘔吐嘔者有物有聲
乾嘔則無物矣吐者有物無聲

其症不同有熱有冷有虛有痰
有食當詳辨之

熱吐者或感驚而心熱或感暑
氣而脾熱或飲熱乳而胃熱吐
有黃涎而夾乳食成片者頭額
溫熱五心熱小便短赤者是用
五苓散加生姜及抱龍丸香薷
飲天水散等去驚清熱消暑之
藥

寒吐者或胃風寒或寒時就與
乳喫冷氣入胃吐必夾乳食或
夾清水白沫四肢凄冷面白喜
熱惡寒者是治用藿香正氣散
加木香四君子湯加陳皮丁香

乾姜之藥其或面有青氣則肝
來尅脾急用附子理中湯加炮
姜量小兒虛實以治

虛吐者肌弱神困面白脾胃久
虛或原患疳積及節次傷乳食
胃氣衰寒不能停蓄飲而即吐
治用實脾化痰溫胃木香餅參
苓白朮散助胃丸等施之

痰吐者傷風痰塞咳嗽氣急或
身發熱面色青紅此因有風生
痰痰積日久隔於中脘遂冷乳
食不化不下故咳嗽連聲氣逆
上塞即便吐出治法先與化痰
定心服天竺地黃丸抱龍丸後

用解表惺惺散寧嗽補脾潤肺
之藥治之

食吐者因過傷乳食吐出酸水
或宿乳食不消蓋胃氣不和物
積不化所為滿而溢者必肚腹
發熱作痛面額熱時作噉氣治
先消其食用妙應丸揆積丸保
和丸之類愈後用助胃丸參苓
白朮散等調理之

五瀉

瀉症有五曰瀉曰滑曰痢曰洞
俱當分別瀉者糟粕不聚似瀉
非瀉泄者無時無度或出不知
稀薄如水痢者氣從中皖下奔

直射濺溜如卒筒然滑者水穀
不化腸胃直過洞者頓然大下
如桶傾水凡此皆脾胃不調或
寒或熱或過傷乳食或素有蟲
積所致如大便黃赤有沫糞出
射遠此熱也宜五苓散天水散
分其陰陽後平胃氣如面青唇
白眼輪紫黑糞白或青手足冷
沫瀉時先腹痛吐酸此寒也宜
木香餅助胃丸調其胃氣參苓
白朮散補之五苓散分利之
瀉下鼻穢如抱還雞子肚腹膨
脹其手脈紋紫身熱此裡實有
食積宜妙應丸治之後與調補

如濕出青色乳片不化小便短
少面色青紅或糞腥臭自傷乳
食也來驚也宜先與清寧散抱
龍丸去驚後五苓散胃苓膏利
小水後錢氏白朮散溫補之
暑月作瀉清水口發渴小便短
少此傷暑熱也宜天水散五苓
散錢氏白朮散香薷飲之類

〔三〕驚

面紅卒腫渾身熱 唇黑牙
關氣如絕 目播搐撮喉有
痰 此是急驚容易決 陰
盛陽虛病已深 吐餘瀉後
睡揚睛神昏搐緩涎漉甚

此症分明是慢驚

急驚受病之源皆因其母平日
恣食辛辣熱物厚衣暖室閉藏
太過致使熱盛生痰痰盛生驚
驚盛生風四症既具則變為八
候蓋風盛則兩手伸縮而成搐
搐盛則十指開合而成撮撮盛
則勢如相撲而成掣掣盛則頭
搖不定或偏而成顛顛則身仰
向後而為反反則臂若開弓而
為引引則兩目或上視邪視直
視而為竄竄則睛露不動而為
禱所為八候若其類俱牙關緊
急痰如拽鋸手足拳攣張口

出舌唇紅臉赤或滿面俱青唇
青瀉青虎白脈紋紅紫或青者
皆急驚也此症積於平時發於
頃刻最能駭人然專屬心肝二
經乃風火相搏之故必先祛痰
瀉肝後清心利小便定驚安神
春脾方無變症宜用瀉肝散天
竺黃丸滾痰丸牛黃清心丸琥
珀抱龍丸參苓白朮散等施治
無不愈者但當辯認搐之順逆
蓋男搐左視左女搐右視右為
順反者為逆如發逆症者金木
相戰也俱當瀉肺湯以瀉肺地
黃丸以補腎瀉肝散涼驚丸以

瀉心肝又當採其氣之冷熱如
氣冷不乳者難治氣熱能乳者
雖搐不妨至於慢驚則或吐或
瀉涎鳴微喘眼開神緩目慢露
睛昏睡跳搐搦似有似無乍發
乍止口開臭氣冷或身熱或冷
脈紋透關皆因吐瀉之後脾胃
虧損元氣虛弱及下吐太多所
致唯當醒脾溫胃之中加以截
風化痰之藥宜醒脾散惺惺散
參苓白朮散附子理中湯藕合
香丸之類

固疳

五疳五臟五般看 治法推

詳事不難 若見面黃肌肉瘦 齒焦髮豎即為疳

疳之為病所得不同或乳食不調過食甘肥或缺乳食物大旱或乳母喜怒房勞即與乳喫或飲有娠之乳太抵皆脾胃受病內無津液之故又有因病服吐下表散之藥先後失宜為醫所誤而得者皆當詳其五臟所主而用藥如身體壯熱臉赤唇紅口舌生瘡胸膈煩悶小便赤澀五心煩熱盜汗發渴多哭者在心頭焦髮立筋青腦熱躁渴多汗下痢疥癬者在肝胸熱肌消

手足冰冷寒熱時來滑泄肚疼牙疳口臭尿黃多渴者在腎咳嗽喘逆發熱惡寒皮膚粟起鼻痒流涕者在肺面黃身黃肚大脚細吐逆身滿乏力啼哭水穀不化泄下酸臭合面困睡搭口髮豎者在脾至如肚大青筋如喫泥土并雜物茶米沙炭之類肚腹膨大釀乳洞泄骨蒸潮熱尿如米泔上下蟲出羞明省目俱是疳症此皆脾家受病傳入諸臟惟先理脾氣則諸臟皆安故總用五疳保童丸消疳肥兒丸木香蘆薈丸有蟲者追蟲丸

史君子丸牙疳者人中白散次第用之

⑤又吐論熱寒虛痰食五

九未周小兒吐奶最為重病吐奶必交痰三吐之後胃氣即虛虛則外風乘入內外夾攻痰涎愈生而閉於胃脘胃脘閉而四肢關亦閉遂發驚搐或慢驚等症如手足搐搦口眼翻脹頭額強攀不可名狀往往用藥無効故此乳要預先治之如吐成乳片者是胃熱熱盛生痰久則成風矣必先與清胃化痰定吐之劑若吐久則胃又虛寒尤宜溫補

不可辨如鼻有青色夜間煩燥身熱是客風傷肺也先宜發表然後止吐如唇口黑色多哭喉中作聲是傷脾宜調脾止吐如吐出夾清水面青唇白是胃寒宜溫胃木香餅助胃丸之類如早夜發熱不睡多啼則將發驚矣急宜調胃補脾人參溫中藥參麥白朮散緩驚餅子鎮驚丸調中正氣等劑治之切莫禪浪可也

⑥泄瀉

泄瀉之症皆脾胃不調或寒或熱或過傷乳食或素有蟲積所

致

若面色痿黃肚脹脚細弱頭大
 頂小肌肉消瘦貪食如食瀉出
 或青或黃或白或稀或稠其臭
 異常其瀉有時或一二日三四日
 次腹似蜘蛛瀉去頗軟自瀉自
 止此釀瀉也釀者如酒之意皆
 疳積為病宜蘆薈丸肥兒丸多
 服後調脾自安若瀉出青綠色
 者此肝來侮脾將發驚也
 若初瀉出色黃良久變而為青
 乃脾虛而受制於肝也此等症
 三五次即困之治之稍緩即成
 慢驚風急先溫其臟氣調其胃

氣平順二焦和正榮衛如瀉不
 能止且先投其補脾益黃散參
 苓白朮散加肉苳蔻訶子之藥
 止之後徐調理若因之四肢厥
 冷目無睛光鼻中乾燥則逆症
 也附子理中湯之類宜量酌用
 之如遲過投熱藥瀉止則劑作
 無疑矣須當詳審

又有吐瀉並作者身體壯熱不
 思乳食大便白色或所出物不
 化此傷食也當先消導之後與
 助胃調脾若身溫或冷不思乳
 食大便青白色乳食不化此上
 實下虛尤當兼其所現之症治

之大要補脾益黃散參苓白朮散為先也

又有吐瀉並作身熱多睡吐痰咳嗽能食乳大便稀黃渴欲飲水胃虛而有風熱之故當先與白朮散生胃中津液以止其渴後以抱龍丸發散風熱更服養脾胃之劑

㊟痢症

痢症不同非有積滯終不能成須當辨其致病之由大要分陰陽行滯氣消積消熱補脾開胃進食為主蓋陰陽一分腸胃自厚故五苓散胃苓湯必先服之

一上二日間元氣未虛者以大承氣湯下之此通因通用之法切不可驟用補藥亦不可用瀉藥至變作禁口刮腸等痢為害非淺

冷痢者脾胃虛寒停滯物冷不化遂下或青或白凍沫夾水腹痛者是也治宜胃苓湯加白芍藥理中湯參苓白朮散胃風湯木香餅之類屢効

熱痢者胃中濕熱凝蓄不散乘於血分而散於大腸故下或赤或黃腥臭或多或少腹中窘痛裡急後重或身發熱惡心口渴

不思飲食者是也宜五苓散加
車前子次香連丸芍藥甘草湯
不換金正氣散人參赤茯苓姜
棗後以參苓白朮散調補無不
愈者

痺痢者過食冷肥甘油膩之物
或乳食並進其下黃白色腹不
痛下無時度或二三日一次或
一日數次食食如食即無晴光
肌肉羸瘦髮漸脫落者是也治
宜香連丸木香肥兒丸參苓白
朮散之類

驚痢者因驚積熱傳入臟腑故
印堂眉面顴頰之間俱有青色

其下青多黃少或如苔蘚或如
痰涎睡中多哭者是也宜五苓
散加木通或一散利其小便後
以胃苓湯去桂并抱龍丸香連
丸緩驚紅餅子治之

冷熱不調者因腸胃間或傷冷
熱或晝涼夜熱氣急發傷汗胞
浮腫肚腹脹硬其下赤白不一
或兼青白或如魚腦酸臭或稀
散成凍或純水交雜惡食者是
也治宜五苓散胃風湯或消積
丸下之然後五苓散加黃連白
芍藥枳殼治之仍以錢氏白朮
散調自愈

純血痢者黃少血多色鮮紅或紫
 或黯午後身微熱或能食或不
 能食服止痢止血之藥不效者
 此脾家受病已深脾病而肺亦
 病遂不能統制其血聽其乘入
 大腸之故治當消食補脾啓脾
 丸消積丸保和丸白朮散之類
 加以黃芩當歸白芍滑石中查
 神麩麥芽陳皮枳殼等藥治之
 又有風邪下陷者升提之大棗
 以涼血活血為主此略加地榆
 少許借意而止之為妙如發熱
 者更加黃芩少加黃連血虛者
 四物湯元氣形體羸弱者參苓

白朮散調補之

大藥先水瀉後痢者難愈先痢
 後瀉者易愈脈微小者易治浮
 洪數大者難治懸絕者死瀉者
 生

(天) 瘧症

瘧症不一有瘵食勞暑鬼障寒
 溫濕牝痰之症不全六經五臟
 三陰之各上有一日一發二日
 一發有間一日一發有間二日
 一發有日與夜各發有上半日
 發有下半日發及或發於夜者
 有有汗有無汗者先寒後熱者
 先熱後寒者皆當詳辨而治之

如胸膈有痰心下脹滿氣逆煩嘔此痰瘧也二陳湯加柴胡黃芩枳實之類治之

胸膈不和肚腹疼痛吞酸噯氣吐水此食瘧也和中保赤丸加青皮柴胡枳實五苓散異攻散之類治之

病愈未久表裏俱虛客邪未散真氣不復遇勞即發此勞瘧也宜補中益氣湯四君子湯少加柴胡薑草治之

面垢口渴小便赤大便秘肌熱額熱微微汗出及上半身汗此暑瘧也干味香薷飲五苓散治之

之

進退無時作止不一或單熱此鬼瘧也鬼哭散截瘧丹清脾飲治之寒熱往來或止半日或申酉時惡心乾嘔此瘴瘧也四獸飲治之

若纏延日久不愈者則兩脇之間結成癥積名曰瘧母此皆初發時失於解表內傷飲食外感風邪所成治宜蠶甲飲四獸飲歸脾湯主之但先寒後熱者名寒瘧先熱後寒者名溫瘧身重寒熱骨節痛腹脹滿自汗善嘔名濕瘧但寒不熱者名牝瘧皆

因正氣之虛感受邪氣留而不發散之故也必須先解表邪後扶胃氣舟溪謂無汗要有汗散邪為主有汗要無汗周正氣為主此治之太略也然亦不拘有汗無汗三陰六經悉以四君子湯人參養胃湯為主熱多加柴胡山枝寒多加乾姜肉桂有汗加黃芪浮麥無汗加蒼朮葛根元氣下陷者加升麻柴胡鼈甲以主治之慎勿泥於時俗之說以藥露冷而服致傷元氣變成浮腫瀉痢致脾胃虛弱飲食不進遂成害戒之戒之

卷活膏丸

茯苓 五錢 羌活 獨活

前胡 柴胡 各七錢 桔梗

枳殼 天麻 各五錢 川芎 七錢

地骨皮 薄荷 甘草 各三錢

右為細末煉蜜丸如芡實大每服一丸不拘時用生薑湯化下

前胡半夏丸

紫蘇 一兩 乾葛 陳皮

枳殼 半夏 各二錢 桔梗

前胡 各一兩 甘草 三錢

金沸草 欬冬花 各七錢

右為細末煉蜜丸如芡實

大每服一丸不拘時用生
姜湯化開服

香砂保安丸

香附炒四兩 砂仁炒 白木炒

神麴炒 麥芽炒各三兩 山查二兩

益智 陳皮各一兩半 史君子炒

檳榔 木香各一兩 甘草六錢

右為末煉蜜丸如茶實大
每服一丸不拘時用米飲

化開服

香橐餅子

神麴炒 麥芽炒各五錢 木香炒

陳皮去白 青皮各二錢半

厚朴姜制七錢半

右為細末煉蜜丸如茶實

大捏作餅子每服一餅不

拘時用米湯化開下

抱龍丸

雄黃 辰砂 甘草各二錢半

天竺黃五錢 麝香五分

生膽南星二兩

右為細末煉蜜丸如茶實
大每服一丸不拘時用薄

荷湯化下

金薄鎮心丸

山藥 硃砂各一兩半 牙硝一錢半

甘草 人參 茯苓

麝香各五錢 片腦一錢

紫河車 黑豆一木一煮
二錢半

右用金箔十五片為衣煉

蜜丸如芡實大每服一丸

不拘時用薄荷湯化開下

瀉白散 五

桑白皮 地骨皮 各一兩

甘草 炙五錢

右為細末每服三錢入糯

米一百粒煎服

白至餅子 六

滑石 輕粉 半夏

南星 各一錢 巴豆 二十四粒去

煎乾將豆細碾去
後入衆藥和勻

右用糯米飯丸如菉豆大

捏作餅子三歲以上服五

餅三歲以下三餅空心或

臨卧時葱白湯下

滋痰丸 七

枳實 炒八錢 輕粉 炒一錢 黃芩 一兩

半夏 姜汁製一兩半 天南星 姜製一兩

白牽牛末 六錢

右為末姜汁糊為丸桐子

大每服十九丸空心姜湯下

天竺黃丸 八

天竺黃 兩 天南星 姜製一兩半

半夏 姜湯泡五次 天花粉 各二兩

右為細末煉蜜丸如芡實

大每一丸姜湯磨化下

五疴消積丸

青皮 陳皮 香附 各三兩

山查 三稜 蓬朮

乾姜 良姜 枳殼

神麩 麥牙 各一兩

蘿蔔子 一兩 吳茱萸 五錢

右為末麵糊丸如粟大每服一二十丸空心白湯下

換積丸

三稜 丁皮 各七錢半 乾姜 炮一錢

青皮 丁香 各二錢半 巴豆 去油淨五錢

右為末醋糊丸如粟米大每服一二錢食前姜湯送下量病加減

香連胃苓丸

白朮 炒一兩 茯苓 厚朴

陳皮 蒼朮 白芍 各五錢

黃連 六錢 猪苓 澤瀉 各七錢

木香 甘草 炙各一錢

右為末煉蜜丸如芡實大每服一丸不拘時用燈心老米同煎湯化下

胃苓丸

蒼朮 二兩半 厚朴 猪苓

澤瀉 各二兩 陳皮 白朮

官桂 各一兩 甘草 茯苓 各一兩半

右咀片為末每服二錢姜三片燈心二十根老米六

十粒煎服

大承氣湯

大黃 芒硝各五錢 厚朴一兩

枳實二枚

右服一錢姜三片水一鍾

煎三分不拘時服

木香枳榔丸

郁李仁皮 皂角 酥炙 半夏 泡

枳殼 青皮 杏仁 去皮

木香 枳榔 各等分

右為細末別將皂角四兩

用水一碗熬成膏入熟蜜

少許丸菉豆大每服十九

姜湯下

五苓散

白朮 炒二兩 茯苓 澤瀉 各一兩

猪苓 一兩 官桂 三錢

右為細末每服一二匙燈

心湯調化空心服

天水散

滑石 水飛 甘草 一兩

右為細末清水不拘調下

香薷飲

厚朴 陳皮 各一錢 甘草 五分

白扁豆 香薷 各三錢

右用水煎服

藿香正氣散

大腹皮 洗 白芷 半夏 泡七次

白茯苓 紫蘊各五錢 厚朴姜製
白朮 甘草炙 陳皮各一兩
桔梗 藿香各一兩半

右劉散每服二錢姜三片
棗二枚同煎服

四君子湯

人參 白朮 茯苓
甘草各等分

右水煎加姜棗煎亦可

木香餅

木香 栝榔 白豆蔻去壳
青黛各一錢半 麝香一錢
續隨子三錢 蝦蟇燒存性

右為末煉蜜丸如芡實大

參苓白朮散

人參 蓮肉各一兩 薏苡仁炒
山藥各二兩 甘草炙 桔梗各五錢
白朮三兩 白茯苓二兩
石蓮子肉一兩半

每服一九食前清米湯下
右為末每服二二三錢清米
或糖湯調下隨意加用

助胃丸

人參 白朮 茯苓 宿砂
肉豆蔻麵煨去油一個 山藥
甘草炙各三兩 丁香五粒
沉香 木香各一錢

右為細末煉蜜丸如芡實

大每服一丸用姜湯化下

惺惺散

桔梗 人參 細辛 白朮

天花粉 白茯苓

川芎 甘草各等分

右劉散每服二錢水半盞

生姜薄荷各少許煎至二三

分不拘時服如傷風無汗

加葱白薄荷煎服

保和丸

神麴炒 山楂 半夏

茯苓各一兩 連翹 陳皮

荀子各一錢

右為細末粥丸如桐子大

每服二三十丸姜湯下

清寧散

羌活 當歸酒洗 大黃蒸各

防風 山枝炒黑各

川芎一兩 龍胆草五錢

右為細末煉蜜丸用清湯

調服隨意大小加減

錢氏白朮散

人參 白朮 茯苓 藿香

乾葛各三錢 甘草一錢

木香少許

右劉散生姜三片水一鍾

煎四五分溫服

瀉肝散

軟柴胡 甘草各一白茯苓

白朮炒 當歸各一 鈎藤二

右劉散白水煎母子同服

牛黃清心丸四

牛黃一錢 羚羊角五分 白芍一兩

白茯苓 犀角 甘草各五分

乾山藥炒 黑豆炒各七錢 黃芩

人參 桔梗各三錢 柴胡

阿膠炒各二錢 雄黃三錢 川芎一錢

麥冬五十粒 神麩炒一兩 麝香一錢

冰片三分 白朮一兩 乾姜炒二錢

右為末煉蜜丸如芡實大

金箔為衣每服一丸竹葉薄荷湯化開空心服

琥珀拘龍丸四

琥珀燈心 雄黃各五錢 天竺黃

乾山藥各七錢 辰砂 全蝎去毒

薄荷各三錢 麝香五分

白茯苓一兩 胆星一兩

姜蚕炒去絲 散四錢

右為細末水丸如芡實大

每服一丸用燈心湯薄荷湯化開不拘時服

瀉肺湯五

桑白皮 地骨皮 黃芩

甘草各等分

右用水煎服

地黃丸五

白茯苓 澤瀉各八錢 牡皮六錢

乾山藥 山茱萸肉各一兩

熟地黃二兩半

右為細末量加米糊為丸

如桐子大每服一二十丸

空心溫湯送下

涼驚丸二五

川芎四錢 大黃五錢 防風

鈎藤各二錢 硃砂 薄荷

羌活各一錢

右為末煉蜜丸如桐子大

每服十四丸空心蜜湯送下

下

醒脾散三五

人參 石蓮肉 乾山藥

肉豆蔻麵包煨 南星姜製各一錢

白附子泡 白茯苓

石菖蒲 天麻煨各八分

甘草炙 木香

丁香各五分 陳皮七分

白朮一錢二分 全蝎去尾

砂仁各六分

右剉散姜三片棗一枚水

煎服量大小加減廿三

附子理中湯四五

白朮炒一錢半 人參 乾姜各一錢

甘草五分 熟附子多少隨病虛實輕重

加減

右用水加姜棗同煎服

蘇合香丸^五

蘇合香酒熬成膏安息香同上

乳香 檀香

沉香 丁香

青木香 麝香

香附各四錢 硃砂

人參 白木

犀角 萹澄茄

訶子炮各一兩 龍腦二錢

右為細末除蘓合安息香外用酒浸透入瓶內湯蒸透入藥末煉蜜丸如芡實大每服一九姜湯化送下

五疳保童丸^{六五}

蟾頭一個蘆薈三錢 胡連二錢

熊膽一錢 麝香五分 黃連炒

龍膽草 雄黃水飛 青皮炒

五倍子 苦練根

夜明砂微炒 天將手炒

青黛各一錢半

白蟾頭各錢半 蕪荑代之

右為細末糯米飯為丸如粟米大二歲二丸用米飯下不拘時服日三服

消痔肥兒丸^五

蘆薈一錢 訶皮二個 柴胡二錢

神麩炒 麥芽炒各五錢 胡連

使君子 青皮炒 黃連

陳皮 蓬朮 三稜煨

龍膽草 白朮炒 香附炒

檳榔 砂仁 山查

白茯苓 木香 夜明砂炒

蒼朮米泔浸炒

右為細末蒸餅為丸如黍

米大食遠用米飲送下

木香蘆薈丸八五

蘆薈 木香各一錢 蕪荑

檳榔 黃連炒

青黛各二錢半 胡連五錢

蟬去足二個

右為細末猪膽汁為丸如

追蟲丸九四 黍米大食遠米飲下

新苦練根皮 貫仲綠木者

木香 桃仁炒 蕪荑炒

檳榔 輕粉 蟬頭

使君子去殼二十五个 黃連炒

當歸各一錢 鶴虱炒一錢半

右為末麵糊丸加黍米大

用肉汁食前服

使君子丸十六

使君子兩 甘草 厚朴姜製炒

青黛五錢 陳皮二錢半

訶子肉五錢一

右為細末飯糊丸如茱實

天每服四五丸先以猪肉汁飲之後服藥

人中白散 一六

人中白 服過 雄黃 中

枯礬 少 黃栢 多

右為細末先以溫鹽水嗽

口後搽藥

雞金散 一六

雞肉金 即雞肫內粗皮陰乾一兩 白芷

銅綠 各五 麝香 一

右為細末先以溫鹽水灌後敷藥入

錢氏經驗良方三卷

上用方四卷

南京太醫院吏目孟繼孔著

錢塘胡文煥秣陵陳邦泰校

抱龍丸 一 治小兒傷風發熱咳嗽不寧跌撲受驚痰涎壅盛

心神欠安之症宜服之用薄

荷湯送下

天竺黃 五錢 雄黃 二錢 硃砂 二錢 半

麝香 五分 甘草 三錢

牛臙南星 二兩

清寧膏 二 治小兒肺經有火痰

涎壅盛喘急氣粗咳嗽連綿不寧之症宜服之用燈心薄

荷湯化下

陳皮 枳殼 桔梗

前胡 杏仁炒 貝母

黃連 桑皮 山枝

花粉 黃芩 半夏製法

瓜蒌仁各一兩半 腫星

青黛各一兩 甘草五錢

羌活膏三治小兒感冒風寒發

熱氣喘頭痛不利渾身拘急

痘疹已發未發之際皆可服

之用姜湯化下

麻黃 羌活 獨活

柴胡 川芎 枳殼

桔梗 前胡各一兩 茯苓六錢

甘草五錢

鎮肝丸四治小兒肝經有熱兩

目暴腫睛色赤紅時多淚下

及日常直視連劄不搐之症

並宜用竹葉燈心同煎湯下

當歸 川芎 羌活

枝子仁 腫草 生地

防風 天竺黃 腫星

木黃各八錢 硃砂一錢半

前胡半夏丸五治小兒傷風發

熱四時咳嗽氣息喘急痰涎

壅盛胸膈不利之症皆宜用

生姜薄荷湯化下

紫蘗一兩 乾葛 陳皮

前胡 半夏麩 枳殼

杏仁炒 桔梗各一兩 茯苓

柴胡 桑白皮 黃芩各八錢

甘草 金沸草七錢

犀角解毒丸六治小兒口舌生

瘡咽喉腫痛遍身瘡節鼻衄

痘疹餘毒不盡之症宜用燈

心薄荷湯化下

犀角 防風 荊芥

芍藥 連翹 黃芩

桔梗 甘草末 薄荷各五錢

生地黄 牛蒡子 當歸各七錢

胃苓和中丸七治小兒脾胃不

和飲食不美水土不服或生

冷失調小水不利大便泄瀉

之症皆可服之用燈心老米湯化下

蒼朮 白朮各三兩 厚朴一兩五分

陳皮 猪苓 澤瀉

茯苓 車前子 木通各二兩

甘草灸一兩半

參朮健脾丸八治小兒脾胃虛

弱嗜卧不食面黃肌瘦水土

不服大便瀉久穀不化之症

皆可治之燈心老米湯下

白朮 厚朴姜汁炒 白茯苓各三兩

陳皮 神麴炒 麥芽炒各二兩半

甘草灸一兩 蒼朮日初米

和中保嬰丸九治小兒停食積

滯飲食少進胸膈飽悶夜卧
不安用清米湯下如大便初
瀉或赤白痢疾加燈心老米
湯下如嘔吐惡心肚腹作痛
則用生姜湯下

香附 四兩 砂仁 四錢 青皮

神麴 檳榔末 甘草末

麥芽 白朮 各二兩 山查

陳皮 各三兩 厚朴 蒼朮

三稜 蘿蔔子 炒 黃連 各二兩

牛黃鎮驚丸 治小兒一切急
慢驚風身體壯熱多睡驚悸
手足搐逆痰涎不利人事不
醒之症用生姜薄荷湯下

天竺黃 僵星 白芍

青皮 薄荷 桔梗

牛黃 陳皮 防風

黃芩 黃連 檳榔

甘草末 大黃

寶瓜 天麻 各等分

金箔鎮心丸 治小兒驚熱鎮

心安神不拘時用薄荷湯下

山藥 一兩 硃砂 一兩 牙硝 一錢 半

甘草 人參 茯苓 各五錢

麝香 五分 片腦 一錢

金箔 十五片 紫河車 梟豆水 煮 軟 一錢

緩驚餅子 治小兒便青有驚

肚腹疼痛不拘時服

人參 茯苓 辰砂

赤石脂 山藥各二錢 白木一錢

麝香 乳香各三錢

利驚丸化毒丸即此也 三涼驚溫驚利

驚有分別不拘時用

天竺黃 青黛 檀皇各一錢

牽牛 辰砂各五錢

牛黃丸治小兒夜啼多驚馬煩

熱不拘時服半年者每服五

丸量太小加減

牛黃 硃砂 麝香

麝香 鈎藤各一錢 姜蚕炒五錢

螭牛炒黃 龍腦 當歸

代赭石 赤芍各一錢

芍藥丸治胎寒大便青不欲

食不拘時用

芍藥 當歸 芎藭

人參各三錢 甘草一錢

桃紅丸治小兒驚啼眠睡不

穩不拘時用薄荷湯下

丹砂 麝香各五錢 白附子半

姜蚕炒 全蝎炒各七 膩粉七

金箔 銀箔各一錢

養脾丸治小兒軀啼脾胃虛

冷心腹疼痛胸膈滿悶不拘

時用生姜湯化下

乾姜炮 宿砂 白木各一

甘草灸三錢 茯苓 人參

麥芽 各五

香蓮胃苓丸 治小兒下痢赤

白腹痛口乾不拘時清米湯

化下

白米 一兩 猪苓 澤瀉 各七

黃連 炒六 茯苓 陳皮

厚朴 蒼朮 白木 各五

木香 甘草 各

安神丸 治小兒心虛疳熱面

黃頰赤壯熱驚啼精神恍惚

不寧不拘時用沙糖湯下

麥門冬 寒水石 白茯苓

牙硝 山藥 各五 甘草 五

龍腦 一字

柳花散 治小兒口舌生瘡每

用少許敷貼患處

黃連 玄胡索 青黛

蜜佗僧 黃柏 各等分

五福化毒丹 治胎熱胎毒口

舌生瘡不拘時用薄荷湯下

玄參 一兩 桔梗 八錢 人參

赤茯苓 各五 青黛 甘草

牙硝 研 麝香 各五

没石子丸 治小兒熱瀉久痢

皆可服之

黃連 炒二 訶子 炮 肉蔻 炮

木香 一錢 没石子 大者

九如黍米 大每服十九不拘

時用白滾湯下

紫霜丸 治變蒸發熱不解及
夾食停冷温壯汗後熱不歇
及腹中有痰癖乳哺不進乳
則咽食癩先寒後熱者用麵
糊丸麻子大每服一粒乳汁
下

代赭石 一兩醋浸 赤石脂 兩

醋浸七次研 杏仁 五十粒 巴豆 三

次研 去皮尖 粗去膜 油淨

保和丸 和脾胃消食此方與
奇効良方不同奇効良方錄
干後

白茯苓 半夏 陳皮

白木 各十 山查 二斤 神麴 一斤

蘿蔔子 連翹 各六 兩

水發為丸如麻子大每服三
五分不拘時用米湯下

消積丸 消積化乳食

宿砂 炒 橘皮 炒 三稜 煨

蓬朮 煨 神麴 炒 麥芽 炒

甘草 各 香附 炒 一

湯浸蒸餅丸如麻子大每二

三丸不拘時用白滾湯下量

歲長幼加減

蘆薈丸 治小兒積聚清熱消

肝健脾胃爽精神美飲食潤

肌膚大有神効不拘時用滾

白湯下

蘆薈

芍藥

黃連

史君子

當歸

青皮

麥芽炒

胡黃連

香附

三稜煨

白朮炒

蓬朮煨

枳榔

神麴

木香

蘿蔔子

甘草各等分末為丸

肥兒丸

治小兒疳病臟肺胃

虛蟲動日漸羸瘦不拘時白

滾湯下用麵糊為丸

黃連

神麴炒各五錢 木香一錢

枳榔一個

史君子 麥芽炒

肉豆蔻麵包煨各二錢

香櫛餅子 治小兒食積腹脹

作痛面黃肌瘦不思飲食並皆治之

木香炮

青皮 陳皮各三錢

神麴炒

麥芽炒各五錢 厚朴姜製七錢半

右為末煉蜜丸捏作餅子

不拘時用清米湯化下

至聖保命丹 治胎驚內疝肚

腹堅硬目睛上視手足抽掣

角弓反張痰涎壅盛一切急

慢驚風並皆治之

全蝎十四個

姜蚕直者 白附子

硃砂研

麝香研 天南星炮

蟬蛻去泥各一錢

防風 天麻各二錢

金箔十五片為末

右為末，粳米飯取中心者，搜和丸，每一兩作四十九，不拘時用薄荷湯下。

天麻防風丸 治小兒一切驚風，壯熱痰涎壅盛並皆治之。

天麻 煨 防風 人參 各一兩

牛黃 一錢 硃砂 雄黃

麝香 各二錢 姜蚕 去絲 嘴炒

全蝎 去尾炒 各五分

右為末，煉蜜丸，不拘時用薄荷湯下。

保和丸 治小兒脾胃虛弱，飲食不能消化，日久羸瘦。

山楂肉 四兩 半夏 麩 陳皮

茯苓 各五錢 蘿蔔子 二錢 史君子

白朮 炒 神麩 炒 麥芽 炒 各一兩

砂仁 四兩 木香 二兩 二錢四分

黃連 四兩 五錢

右為末，水發丸，每服一錢，不拘時用米湯下。

犀角丸 治小兒風熱痰實，頰赤，大小便秘，三焦邪熱，臟肺蘊毒，此藥疏導極穩。

生犀角 一錢 人參 五錢 枳實 炒

黃連 各一兩 大黃 二兩 酒浸切 作大片用 巴

豆 一粒 貼在大黃上用 絹包 裹湯鍋內 蒸過 取出去 巴豆 將大黃酒 乾研末

右為細末，煉蜜丸，如麻子。

大每服一二十丸臨卧熟水下未動再服

消痔健脾和中丸

白米 茯苓 陳皮 芍藥
枳實 山查 黃連 厚朴
蕪荑 史君子 麥芽
香附 各三錢

右為末煉蜜丸每服一丸用清米湯或白滾湯食遠下

金不換 治小兒九種心疼

雄黃 硫黃 焰硝 白礬
右為末丸如粟米大

天主補心丹 寧心保神益血

固精壯力強志健忘清三焦
化痰涎祛煩熱除驚悸療咽乾

天門冬 湯洗 去心 五味子 去梗
石菖蒲 去毛 桔梗 去頭洗
麥門冬 湯泡 去心 玄參
茯神 酒搗 炒去絲 酸棗仁
遠志 甘草水 煮去梗 人參
當歸 酒洗 去泥 丹參
熟地黃 生地黃

栢子仁 去殼各等分
右為細末煉蜜丸每一兩作十丸金箔為衣每服一

凡用燈心紅棗湯食遂化
下

辰砂異功膏^三治小兒夏月傷

暑水瀉熱瀉口渴未開^葷者

更妙又名木苓膏^葷

白米 茯苓 猪苓 澤瀉

滑石^{各一兩}

祖云去滑石加白木更妙

安胃和中丸^七

半夏麩 陳皮 枳實

青皮 厚朴 黃連 砂仁

香附 檳榔 茯苓 山查

大黃^{各等分}

琥珀抱龍丸^八

琥珀 全蝎 雄黃 天竺黃

山藥 辰砂 姜蚕 胆南星

茯苓 麝香 薄荷^{各等分}

敗毒散^九治一切腫毒瘡癤

皂角^尖 金銀花 陳皮^{各三錢}

防風 連翹 黃芩

赤芍 白芷 川芎^{各五錢}

甘草^{四錢} 貝母 乳香

當歸尾^{各一錢} 川山甲

明沒藥 蛤粉^{炒各二錢}

天花粉^{八分}

右分作八貼每服水二鐘

煎八分入白酒半杯再煎

三五沸看瘡上下服之

又一方 蘆薈丸 四

神麩

黃連

蘿藦子

栝柳

麥芽

史君子

白朮

陳皮

龍胆

三稜

青皮

香附

枳實

蒼朮

蓬朮

蕪荑

厚朴

山查

柴胡

青魚

蘆薈

木香

又一方 參朮健脾丸 四

人參

茯苓

白朮

山藥

苡仁

扁豆

澤瀉

蕪荑

砂仁

麥芽

木香

豆蔻

山查 一兩 陳皮 兩 甘草 三錢
史君子 五錢

寬文六年

午卯月吉日

榎木町通角倉町

山森六兵衛判行

上用方四卷 終

